

SAMÞYKKT

um breytingu á samþykkt nr. 154, 4. apríl 1974, um Verslunarbanka Íslands.

1. gr.

4. grein samþykktarinnar orðist svo:

Aðalfundur Verslunarbanka Íslands hf., haldinn 18. mars 1978, samþykkir að gefa út jöfnunarhlutabréf að upphæð allt að kr. 100 milljónir og skal það gert þann 1. janúar 1979. Skál sérhver hluthafi fá jöfnunarhlutabréf sem nemi jafnhárrí upphæð og hlutabréf þau sem hann á fyrir og hefur greitt.

Þá samþykkir aðalfundurinn aukningu á hlutafé bankans úr kr. 200 milljónum í kr. 500 milljónir og skal aukningin fara fram á árunum 1979—1981, þannig að hluthöfum sé gefinn kostur á að greiða aukninguna með þrem greislum í gjalddaga þann 1. október árin 1979—1981. Skulu hluthafar eiga rétt á að kaupa viðbótarhlutabréf fyrir allt að tvöfaldri hlutafjáreign sinni sem þeir eiga fyrir í félaginu, þ. e. allt að því þrefalda hlutafjáreign sína, sbr. þó 3. mgr. hér á eftir.

Nú vilja svo margir hluthafar neyta kaupréttar síns á hlutafjáráuka að öllum verði eigi veitt úrlausn og skulu hluthafar allir þá sæta hlutfallslegri lækkun, eftir því sem stjórn bankans ákveður.

Fari svo að nægilega margir hluthafar eigi neyti forkaupsréttar þannig að tilskilin upphæð náist, skal stjórn bankans heimilt að bjóða öðrum og nýjum hluthöfum aukinn hlut á því verði, sem hún ákveður.

Réttur hluthafa til að skrá sig fyrir hlutafjárukningu þeirri, sem að framan greinir, gildir til 1. júlí 1979, og er áskrift bindandi fyrir hluthafa. Hlutafé skal aukið árlega um a. m. k. kr. 100 milljónir, þ. e. á árunum 1979, 1980 og 1981. Gjald-dagi er 1. október hvert árið.

Sömu reglur gilda um hin nýju hlutabréf og um annað hlutafé í bankanum.

Líta ber á samþykkt þessa sem efnislega breytingu á 4. gr. samþykktá bankans nr. 154/1974, og skal leita staðfestingar ráðherra á breytingunni.

Hlutafé Verslunarbanka Íslands hf. verður því 500 milljónir króna. Hluthafafundur getur ákveðið að auka hlutaféð eftir sömu reglum og gilda um breytingar á samþykktum félagsins sbr. 34. gr. Hluthafar allir sbr. 5. grein hafa forgangsrétt til hlutafjáráuka að tiltölu við hlutafjáreign sína í félaginu innan tímamarka, sem greind verða í samþykkt um aukningu hlutafjár. Nú neyta hluthafar ekki forkaupsréttar síns, og eru þá hlutabréfin boðin til kaups með opinberu útboði eða á annan hátt, eftir nánari fyrirmælum hluthafafundar.

Innborgað hlutafé er kr. 200 000 000 þ. m. t. jöfnunarhlutafé. Hlutaféð er allt jafn rétthátt.

2. gr.

5. grein orðist svo:

Hlutabréfin hljóða á nafn.

Hlutabréfin eru að nafnverði kr. 1 000, kr. 5 000, kr. 10 000, kr. 50 000, kr. 100 000 og kr. 500 000.

Hlutabréfin skiptast í flokka, og bréf í hverjum flokki eru í framhaldandi tölu-röð. A-flokks hlutabréf tilheyra félagsmönnum í Verslunarráði Íslands og Félagi íslenskra stórkaupmanna, en B-flokks hlutabréf félagsmönnum í Kaupmannasamtökum Íslands. Aðrir hluthafar sem ekki eru meðlimir í ofangreindum samtökum, skulu fá hlutabréf A eða B eftir því á hverra vegum þeir starfa innan greindra samtaka.

Arður af hlutabréfum skal sendur hluthöfum í ávisun innan mánaðar frá lokum aðalfundar.

3. gr.

Þannig samþykkt á aðalfundi Verslunarbanka Íslands hf. hinn 18. mars 1978.

Framanrituð samþykkt staðfestist hér með.

Viðskiptaráðuneytið, 30. nóvember 1978.

Svavar Gestsson.

Yngvi Ólafsson.

5. desember 1978.

Nr. 423.

AUGLÝSING

**um breytingu á gjaldskrá Hitaveitu Sauðárkróks nr. 113 3. apríl 1973
með síðari breytingum.**

4. gr. orðist þannig:

Gjöld fyrir afnot heita vatnsins eru sem hér segir:

Vatnsgjald allt að kr. 2080.00 á mánuði fyrir hvern mínútulíttra í hámarksstillingu hemils.

Gjaldskrárbreyting þessi, sem samþykkt er af bæjarstjórn Sauðárkróks, er hér með staðfest samkvæmt orkulögum nr. 58 29. apríl 1967 til að öðlast gildi þegar í stað og birtist til eftirbreytni öllum, sem hlut eiga að máli.

Iðnaðarráðuneytið, 5. desember 1978.

F. h. r.

Páll Flygenring.

Kristmundur Halldórsson.

27. nóvember 1978.

Nr. 424.

REGLUGERÐ

um breyting á reglugerð nr. 169/1970 með áorðnum breytingum.

1. gr.

Við 13. gr. reglugerðarinnar (sbr. 1. gr. reglugerðar nr. 316/1978) bætist nýr töluliður er verði 25. töluliður er orðist svo:

25. tl. Eftirgreindar vélar enda séu þær ætlaðar til notkunar við fiskvinnslu: Flökunarvélar, flatningsvélar, roðflettingarvélar, slægingar- og hausskurðarvélar sem falla undir tollskrárnúmer 84.30.15 svo og hakkavélar, marningsvélar, bein-skurðarvélar, flokkunarvélar og fiskþvottavélar sem falla undir tollskrárnúmer 84.30.19.

2. gr.

Reglugerð þessi, sem sett er skv. heimild í lögum nr. 10/1960 um söluskatt með síðari breytingum, öðlast þegar gildi.